

ԱՎԱՆԻՆԵՐԻՆ ՀԱՎԱՏԱՐԻՄ



Ստեփան Զորյանը «Գրական Սկիզբի» 1953 թ. փետրվարի 5-ի համարում տպագրած «Լոու ձորում» ակնարկում հանգամանորեն անդրադառնում է Քուստանյանի հրակայուն աղյուսի գործարանի նորակառույց բանավանդին։ «Երևում են քաղաքատիպ տների կանոնավոր շարքեր, ավելի ճիշտ՝ լավ քաղաքի մի կտոր, որ գետեզրից դեռում-բարձրանում է մինչև անտառի փեշերը...»։ Գրողը շարունակում է. «Տներն այստեղ տարբեր գույնի տուֆաքարերից են, հաշվական ճարտարապետության լավագույն արդիցիաների կնիքով...»։ Ստեփան Զորյանը հարկ է համարում նկատել. «Ի դեպ ասեմ, որ ավանը կառուցվում է ճարտարապետ Սոս Մանուկյանի նախագծով...»։

Մանուկյանի ուսումնասիրության տարիները և բնակարան թվականներն էին (1931—1937 թթ.), երբ սուր բնույթ էին ստացել բանավեճերը ճարտարապետության զարգացման ուղղությունների վերաբերյալ։ Հետագայում կյանքը ցույց տվեց սովետահայ ճարտարապետության զարգացման թամանյանական ուղղության ճշմարտացիությունը, կենսունակությունը։ Թամանյանը նորովի մեկնաբանեց մեր ազգային ճարտարապետությունը՝ տալով նրան արդիական դեմք։ Սոս Մանուկյանը աշակերտեց Թամանյանի ճարտարապետական դպրոցին, հաջողությամբ մասնակցելով մեր քաղաքների, ավանների ու գյուղերի համալիրների, հրապարակների ու փողոցների կառուցապատմանը։ Մոտ հարյուրի է հասնում Մանուկյանի նախագծով իրականացված կառույցների թիվը, ավելացրած մի տասնյակ գյուղերի հատակագծերը։ Նա կազմել է Աևան քաղաքի, Ողջի և Քաջարան բնակավանդների, էջմիածնի քաղաքի գլխավոր հատակագծերը, այս վերջինը հավանության էր արժանացել և հաստատվել 1939 թվականին։ Այդ հատակագծով

էջմիածինը դանձում էր այդի-քաղաք, երա հրակալավոր հուշարձանները սահմանագծվում, ստանում էին այդի-բանադարանների կերպարանք, այնուհետև բացվում էր Արարատ—Արագած փողոց-առանցքը, ստեղծվում օդակաձև փողոց-պուրակ, որի շրջագծից ներս տեղաբաշխվում էին քաղաքային-վարչական և 3—4 հարկանի բնակելի շենքերը, շրջագծից դուրս ծավալվում էր անհատական շինարարությունը՝ 1—2 հարկանի մենատներով։ Տասնյակ տարիներ ճարտարապետ Ս. Մանուկյանը կապված մնաց էջմիածնին, շանադիր հետևեց հատակագծի անշեղ իրականացմանը։ Այդ ընթացքում նրա նախագծով վեր բարձրացան մոտ մեկ տասնյակ բնակելի, վարչական, առևտրական, հյուրանոցային շենքեր և ճարտարապետական փոքր շինվածքներ։ Էջմիածնի հատակագծի իրականացման ընթացքում Մանուկյանը ձգտում էր պահպանել պատմական և ճարտարապետական արժեք ունեցող կառույցները։ Նույն նպատակին էր ուղղված նաև նոր կառուցվող շենքերի հարկայնությունը սահմանափակումը, ինչպես և շենքերը տեղական։ Ազգայնատան բաց վարդապույն տուֆաքարով երեսպատելը։ Հետագայում քաղաքի հատակապետ կենտրոնական մասի կառուցապատումը զգալի փոփոխություններ կրեց, բանավեճին քաղաքի դեմքը բնորոշող, տեւաբար գոյություն ունեցող շատ շենքեր, մեծացավ նոր շենքերի հարկայնությունը։

Մանուկյանի լավագույն գործերից է էջմիածնի կուլտուրայի պալատը։ Նրա գլխավոր մուտքի դիմաց և առաջացած երկու սյունակամարաշար թևերի միջև գործում է ջրվազան-շատրվանը, որ այնքան բնորոշ է հարակալին ինչպես վարչերի կառուցապատման ավանդույթներին։ Ոչ պակաս հաջողված է շինության ներքին տարածական լուծումը։ ճարտարապետական համապատասխան մշակումով առանձնանում են լավ համամասնություններով օժտված հանդիսասրահն ու ճեմասրահը։ Պալատի հանդիսասրահը օժտված է ձայնային լավ ակուստիկայով։ Արժե նշել, որ համամասնական հարմարավետ բնակարանների հիմքում դրված է «Հայրենիք» ինստիտուտի արվեստանոցում մշակված հատակաձևը։ Անկասկած հաջողված է այս բնակելի շինության ծավալատարածական հորինվածքը, այն

Արովյան և Իսահակյան փողոցների միջև իրականացված համալիրը։ Կուլերի կոմբինատի վարչական շենքը։ Վերջինիս բացարձակ շափերը համապատասխանում են տեղանքի և հարևան շինությունների մասշտաբին, մասերի փոխադարձ հարաբերությունները հաճելի տպավորություն են թողնում դիտողի վրա։ Գլխավոր ճակատի վերնամասի համաչափ կամարաշարը և ներքնամասի երկու բազալտակոփ շքամուտքերը կապված են որոշակի ներդաշնակությամբ։ Այլ-բի են ընկնում մուտքերի թեմատիկ բանդակագործական մշակումները, որ տաղանդավոր բանդակագործուհի Ալճեմնիկ Ալարտուսի ստեղծագործություն են։

Ահա այս երկու շինությունների՝ էջմիածնի կուլտուրայի տան և կուլերի կոմբինատի ճարտարապետության համար 1951 թվականին Սոս Մանուկյանն արժանացել է երիտասարդ ճարտարապետների համամիութենական մրցանակաբաշխության երկրորդ մրցանակի։

Երևանի ալյումինի և էլեկտրալամպերի գործարանների բանվորական քաղաքատիպ ավանների կոմպլեքսային նախագծումը կոմիտասի և Ազատության պողոտայի հատույթի հյուսիսարևելյան կողմում, իրականացվել է ճարտարապետ Ս. Մանուկյանի արվեստանոցում։ Այդտեղ է դրվում նաև Երևանի ալյումինի գործարանի կուլտուրայի պալատը՝ 600 տեղանոց դահլիճով, Գլխավոր մուտքը կարմիր գծից քիչ հետ է դրված և երկու կողմի բնակելի շենքերի հետ կազմում է մի միասնություն։ Ծակատի երկու կողմերում տեղադրված են թեմատիկ բանդակներ (բանդակագործ՝ Գրիգոր Բաղդասյան)։ Պալատի հատակագծի ներքին սխեման բավական պարզ է, բովանդակային բաժանումների դասավորությունը՝ ազդեցիկ։

Առանձնապես հիշատակելի է Ս. Մանուկյանի նախագծով (Ջ. Տոնիկյանի հեղինակակցությամբ) կառուցված բնակելի շենքը Օրշոնիկիճնի պողոտայի վրա, որ «Հայրենիք» կենթատրոնի մոտից ձգվում է դեպի հարավ։ Այս շինության բավական հարմարավետ բնակարանների հիմքում դրված է «Հայրենիք» ինստիտուտի արվեստանոցում մշակված հատակաձևը։ Անկասկած հաջողված է այս բնակելի շինության ծավալատարածական հորինվածքը, այն

ունի մեծ քաղաքին վստեղ մասշտաբ և հարթությունների պլաստիկ մշակում։ Երևանի ստորին՝ խանութային հարկ, հաճելի համաչափությունների ունեցող սյունակամարաշար է, կերտված Երևանի կառուցվածքի բազալտով։ Վերին հարկերը տուֆաքար են, ստորին հարկին համահնչուն։ Այն ոչ միայն Օրշոնիկիճնի պողոտայի, այլև Երևանի լավագույն բնակելի շենքերից է։

Այս հողվածի սահմաններում հնարավոր չէ կանգ առնել ճարտարապետի ստեղծագործություններից յուրաքանչյուրի վրա, վերլուծել զբոսնաց արժանիքները, թերևս հիշատակենք բնակելի շենքերի համալիրը Հրազդան մարզադաշտի հարավային կողմում՝ աշտինյա բարձունքի վրա, Երևանի ժամացույցի գործարանի բնակելի շենքերը, էլեկտրալամպերի գործարանի բնակելի շենքերը՝ Երևանի Գլխարդականների փողոցի վրա, Լենինականի Գորկու անվան փողոցի վրա կառուցված բնակելի շենքը (Լ. Հակոբյանի հեղինակակցությամբ), Երևանի ալյումինի գործարանի պրոֆիլակտորիան նորում (Վ. Տոնիկյանի հեղինակակցությամբ), շուկային գինիների գործարանի լցման արտադրամասը, ակումբային շենքերը՝ կառուցված Սևանա կղզում, Աշտարակում, Մովսիսյուզում և այլուր։

Վերջին երկու տասնամյակի ընթացքում ճարտարապետը և նրա ղեկավարած մասնագիտական կոլեկտիվը զբաղվում է մեր հանրապետության տարածքում նոր ստեղծված արդյունաբերական հանգույցների սեղաբաշխմամբ և հատակագծման սխեմաների մշակմամբ։ Եուրջ երեսուն այդպիսի հանգույցների հատակագծեր են արդեն կազմվել և իրականացվել։

Ճարտարապետ Սոս Մանուկյանը ծնվել է Աևանի ափին, բարձրադիր Մովսիսյուզում։ Ծվ մի գովելի նախանձախնդրությամբ նախագծել է հայրենի գյուղի ակումբի շենքը, Հայրենական պատերազմում զոհված համազուգացիների հուշարձանը, որն արժանացել է համամիութենական մրցանակի։

Մանուկյանն աշխատում է «Հայրենիք» ինստիտուտում և հավատարիմ թամանյանական ավանդներին՝ իր ողջ եռանդն ու իմացությունը նվիրաբերում է հայրենի երկրի կառուցապատմանը։

Տ. ՄԱՐՈՒԹՅԱՆ
Ճարտարապետ